



**BOSNA I HERCEGOVINA**

**IZVJEŠTAJ O OBAVLJENOJ FINANSIJSKOJ REVIZIJI**

*INSTITUTA ZA INTELEKTUALNO VLASNIŠTVO  
BOSNE I HERCEGOVINE  
ZA 2020. GODINU*



URED ZA REVIZIJU INSTITUCIJA BiH  
КАНЦЕЛАРИЈА ЗА РЕВИЗИЈУ ИНСТИТУЦИЈА БИХ  
AUDIT OFFICE OF THE INSTITUTIONS OF BOSNIA AND HERZEGOVINA

[www.revizija.gov.ba](http://www.revizija.gov.ba)



# **IZVJEŠTAJ**

## **O OBAVLJENOJ FINANSIJSKOJ REVIZIJI**

**INSTITUTA ZA INTELEKTUALNO VLASNIŠTVO BOSNE I HERCEGOVINE  
ZA 2020. GODINU**

Broj: 04-16-1- 719/21

**Sarajevo, maj 2021. godine**

## SADRŽAJ

<b>I</b>	<b>MIŠLJENJE NEZAVISNOG REVIZORA.....</b>	<b>5</b>
1.	MIŠLJENJE O FINANSIJSKIM IZVJEŠTAJIMA .....	5
2.	MIŠLJENJE O USKLAĐENOSTI.....	7
<b>II</b>	<b>IZVJEŠTAJ O REVIZIJI.....</b>	<b>9</b>
1.	KRITERIJI .....	9
2.	REALIZACIJA RANIJIH PREPORUKA .....	9
3.	SISTEM INTERNIH KONTROLA.....	10
4.	BUDŽET .....	10
5.	FINANSIJSKI IZVJEŠTAJI .....	11
5.1	Pregled rashoda i izdataka iz budžeta .....	11
5.2	Pregled prihoda i primitaka .....	12
5.3	Bilans stanja .....	12
6.	ZAPOŠLJAVANJE I STATUS ANGAŽOVANIH OSOBA.....	13
7.	JAVNE NABAVKE .....	13
8.	KOMENTARI .....	14
<b>PRILOZI</b>	<b>.....</b>	<b>14</b>

# I MIŠLJENJE NEZAVISNOG REVIZORA

Mišljenje nezavisnog revizora se daje na osnovu provedene finansijske revizije koja obuhvata reviziju finansijskih izvještaja i, u vezi s istom, reviziju usklađenosti aktivnosti, finansijskih transakcija i informacija sa relevantnim zakonima i drugim propisima.

## 1. MIŠLJENJE O FINANSIJSKIM IZVJEŠTAJIMA

### *Mišljenje*

Izvršili smo reviziju finansijskih izvještaja **Instituta za intelektualno vlasništvo Bosne i Hercegovine (u daljem tekstu: Institut)** koji obuhvataju: bilans stanja na 31.12.2020. godine, pregled prihoda, primitaka i finansiranja po ekonomskim kategorijama, pregled rashoda i izdataka iz budžeta, po ekonomskim kategorijama, posebne podatke o plaćama i broju zaposlenih, pregled dinamike zapošljavanja, pregled stalnih sredstava u obliku stvari i prava, pregled kapitalnih ulaganja, pregled doznaka iz tekuće rezerve budžeta, za godinu koja završava na taj dan i analizu izvršenja budžeta – tekstualni dio, uključujući i rezime značajnih računovodstvenih politika.

**Prema našem mišljenju, finansijski izvještaji Instituta prikazuju istinito i fer, u svim materijalnim aspektima, finansijsko stanje imovine, obaveza i izvora sredstava na 31.12.2020. godine i izvršenje budžeta za godinu koja se završava na navedeni datum, u skladu s prihvaćenim okvirom finansijskog izvještavanja.**

### *Osnova za mišljenje*

Reviziju smo obavili u skladu sa Zakonom o reviziji institucija Bosne i Hercegovine i Međunarodnim standardima vrhovnih revizionih institucija (ISSAI). Naše odgovornosti prema tim standardima su detaljnije opisane u odjeljku *Odgovornosti revizora za reviziju finansijskih izvještaja*.

Nezavisni smo od **Instituta** u skladu s etičkim zahtjevima koji su relevantni za našu reviziju i ispunili smo ostale etičke odgovornosti u skladu s tim zahtjevima.

Vjerujemo da su revizijski dokazi koje smo pribavili dovoljni i odgovarajući da osiguraju osnovu za naše mišljenje.

### *Odgovornosti rukovodstva za finansijske izvještaje*

Rukovodstvo **Instituta** je odgovorno za izradu i fer prezentaciju finansijskih izvještaja u skladu s prihvaćenim okvirom finansijskog izvještavanja na nivou institucija Bosne i Hercegovine tj. Zakonom o finansiranju institucija BiH, Pravilnikom o finansijskom izvještavanju institucija BiH i Pravilnikom o računovodstvu sa računovodstvenim politikama i procedurama za korisnike proračuna institucija BiH. Ova odgovornost podrazumijeva i kreiranje, primjenu i održavanje internih kontrola koje su relevantne za pripremu i prezentaciju finansijskih izvještaja koji ne sadrže materijalno značajne pogrešne iskaze uslijed prijevare ili greške, odgovarajuća objelodanjivanja relevantnih informacija u napomenama uz finansijske izvještaje, kao i odabir i primjenu odgovarajućih računovodstvenih politika i računovodstvenih procjena, koje su razumne u datim okolnostima.

## ***Odgovornosti revizora za reviziju finansijskih izvještaja***

Naši ciljevi su steći razumno uvjerenje o tome jesu li finansijski izvještaji kao cjelina sačinjeni bez značajnog pogrešnog prikazivanja uslijed prijevare ili greške i izdati izvještaj nezavisnog revizora koji uključuje naše mišljenje. Razumno uvjerenje je visok nivo uvjerenja, ali nije garancija da će revizija obavljena u skladu s Međunarodnim standardima vrhovnih revizionih institucija uvijek otkriti značajno pogrešno prikazivanje kada ono postoji. Pogrešni prikazi mogu nastati uslijed prijevare ili greške i smatraju se značajnim ako se razumno može očekivati da, pojedinačno ili zbirno, utiču na ekonomske odluke korisnika donesene na osnovu tih finansijskih izvještaja.

Kao sastavni dio revizije u skladu s Međunarodnim standardima vrhovnih revizionih institucija, stvaramo profesionalne procjene i održavamo profesionalni skepticizam tokom revizije. Mi također:

- Prepoznamo i procjenjujemo rizike značajnog pogrešnog prikazivanja finansijskih izvještaja, zbog prijevare ili greške, oblikujemo i obavljamo revizione postupke kao reakciju na te rizike i pribavljamo revizione dokaze koji su dovoljni i primjereni da osiguraju osnovu za naše mišljenje. Rizik neotkrivanja značajnog pogrešnog prikazivanja nastalog uslijed prijevare je veći od rizika nastalog uslijed greške, jer prijevare može uključiti tajne sporazume, krivotvorenje, namjerno izostavljanje, pogrešno prikazivanje ili zaobilaženje internih kontrola.
- Stičemo razumijevanje internih kontrola relevantnih za reviziju kako bismo oblikovali revizione postupke koji su primjereni u datim okolnostima, ali ne i za svrhu izražavanja mišljenja o uspješnosti internih kontrola.
- Ocjenjujemo primjerenost korištenih računovodstvenih politika i razumnost računovodstvenih procjena i povezanih objava koje je stvorilo rukovodstvo.
- Ocjenjujemo cjelokupnu prezentaciju, strukturu i sadržaj finansijskih izvještaja, uključujući i objave, kao i odražavaju li finansijski izvještaji transakcije i događaje na kojima su zasnovani na način kojim se postiže fer prezentacija.

S rukovodstvom komuniciramo u vezi s, između ostalih pitanja, planiranim djelokrugom i vremenskim rasporedom revizije i važnim nalazima revizije, uključujući i one koji se odnose na značajne nedostatke u internim kontrolama koji su otkriveni tokom naše revizije.

## 2. MIŠLJENJE O USKLAĐENOSTI

### *Mišljenje*

U vezi s revizijom finansijskih izvještaja **Instituta** za 2020. godinu, izvršili smo i reviziju usklađenosti aktivnosti, finansijskih transakcija i informacija s relevantnim zakonima i drugim propisima.

**Prema našem mišljenju, aktivnosti, finansijske transakcije i informacije Instituta za 2020. godinu u skladu su, u svim materijalnim aspektima, sa zakonima i drugim propisima koji su definisani kao kriteriji za datu reviziju.**

### *Osnova za mišljenje*

Reviziju usklađenosti smo izvršili u skladu sa Zakonom o reviziji institucija Bosne i Hercegovine i ISSAI 4000 - Standard za reviziju usklađenosti. Naše odgovornosti prema tim standardima su detaljnije opisane u odjeljku *Odgovornosti revizora za reviziju usklađenosti*.

Nezavisni smo od **Instituta** u skladu s etičkim zahtjevima koji su relevantni za našu reviziju i ispunili smo ostale etičke odgovornosti u skladu s tim zahtjevima.

Vjerujemo da su revizioni dokazi koje smo pribavili dovoljni i odgovarajući da osiguraju osnovu za naše mišljenje.

### *Odgovornosti rukovodstva za usklađenost*

Pored odgovornosti za pripremu i fer prezentaciju finansijskih izvještaja, rukovodstvo **Instituta** je također odgovorno osigurati da su aktivnosti, finansijske transakcije i informacije u skladu s propisima kojima su regulisane i potvrđuje da je tokom fiskalne godine osiguralo namjensko, svrhovito i zakonito korištenje raspoloživih sredstava za ostvarivanje utvrđenih ciljeva, te ekonomično, efikasno i efektivno funkcionisanje sistema finansijskog upravljanja i kontrole.

### *Odgovornosti revizora za reviziju usklađenosti*

Pored odgovornosti da izrazimo mišljenje o finansijskim izvještajima, naša odgovornost podrazumijeva i izražavanje mišljenja o tome jesu li aktivnosti, finansijske transakcije i informacije u svim materijalnim aspektima, u skladu sa zakonima i drugim propisima kojima su regulisane. Odgovornost revizora uključuje obavljanje procedura, kako bi pribavili revizione dokaze o tome koriste li se sredstva za odgovarajuće namjene i je li poslovanje **Instituta**, prema definisanim kriterijima, usklađeno sa relevantnim zakonima i drugim propisima. Procedure podrazumijevaju procjenu rizika od značajnih neusklađenosti sa zakonima i propisima koji regulišu poslovanje subjekta revizije. Također, naša odgovornost podrazumijeva i ocjenu finansijskog upravljanja, funkcije interne revizije i sistema internih kontrola.

Sarajevo, 06.05.2021. godine

**GENERALNI REVIZOR**

Hrvoje Tvrtković, v.r.

**ZAMJENIK  
GENERALNOG REVIZORA**

Jasmin Pilica, v.r.

**ZAMJENIK  
GENERALNOG REVIZORA**

Ranko Krsman, v.r.



## II IZVJEŠTAJ O REVIZIJI

### 1. KRITERIJI

Ured za reviziju institucija Bosne i Hercegovine izvršio je reviziju finansijskih izvještaja i, u vezi s istom, reviziju usklađenosti. Revizija finansijskih izvještaja i revizija usklađenosti podrazumijeva proces objektivnog prikupljanja i procjenjivanja dokaza, kako bi se utvrdilo jesu li predmeti revizije, tj. finansijski izvještaji, kao i aktivnosti, finansijske transakcije i informacije, usklađeni sa odgovarajućim kriterijima koji su sadržani u zakonima i drugim propisima. Kriteriji predstavljaju uporedne parametre koji se koriste kako bi se dala ocjena predmeta revizije.


Za ocjenu usklađenosti sa zakonima i drugim propisima korišteni su sljedeći kriteriji:

- Zakon o budžetu institucija BiH i međunarodnih obaveza BiH za 2020. godinu
- Zakon o plaćama i naknadama u institucijama BiH i podzakonski akti
- Zakon o porezu na dohodak i Zakon o doprinosima (FBiH i RS)
- Zakon o javnim nabavkama i podzakonski akti
- Zakon o državnoj službi u institucijama BiH i podzakonski akti
- Zakon o radu u institucijama BiH i podzakonski akti
- Zakon o upravi i podzakonski akti
- Zakon o finansiranju institucija BiH.

### 2. REALIZACIJA RANIJIH PREPORUKA

Ured za reviziju institucija BiH izvršio je finansijsku reviziju Instituta za 2019. godinu, sačinio Izvještaj o finansijskoj reviziji i dao pozitivno mišljenje na finansijske izvještaje i pozitivno mišljenje na usklađenost. U Izvještaju o obavljenoj finansijskoj reviziji Instituta za 2019. godinu data je jedna preporuka u cilju otklanjanja uočenih nepravilnosti u dijelu postupanja prilikom upućivanja zaposlenih na stručne edukacije. Institut je postupio u skladu s članom 16. tačka 3. Zakona o reviziji institucija BiH i izvijestio nas o aktivnostima preduzetim na realizaciji date preporuke.

Uvidom u preduzete aktivnosti, dajemo osvrt na realizaciju preporuka:

R.br.	Ocjena realizacije preporuke	Realizovana	Realizacija u toku	Nerealizovana
1.	U 2020. godini nije bilo realizovanja izdataka za učešće zaposlenih na edukacijama u inostranstvu, čime su značajno smanjeni troškovi za ove namjene u odnosu na 2019. godinu.			

### 3. SISTEM INTERNIH KONTROLA

Institut je odgovoran za kreiranje, primjenu i održavanje internih kontrola koje su relevantne za pripremu i prezentaciju finansijskih izvještaja i usklađenost poslovanja sa zakonima i drugim propisima.

Unutrašnja organizacija i način rada Instituta utvrđeni su Pravilnikom o unutrašnjoj organizaciji i sistematizaciji radnih mjesta na koji je Vijeće ministara BiH dalo saglasnost 11.09.2018. godine sa početkom primjene od 01.11.2018. godine. Pravilnikom o unutrašnjoj organizaciji Instituta, uređen je način rada i rukovođenja Institutom, te opis radnih mjesta državnih službenika i zaposlenika.

Pravilnik o unutrašnjoj organizaciji i sistematizaciji radnih mjesta je usaglašen sa Odlukama Vijeća ministara BiH<sup>1</sup>.

Institutom rukovodi direktor, imenovan na mandatni period od pet godina počev od 03.08.2016. godine.<sup>2</sup> Direktor Instituta ima jednog zamjenika odnosno zamjenicu koja je imenovana također na mandatni period od pet godina počev od 26.07. 2017. godine<sup>3</sup>.

Sistem finansijskog upravljanja i kontrole je u cijelosti implementiran u skladu sa Zakonom o finansiranju institucija BiH<sup>4</sup>, Priručnikom za finansijsko upravljanje i kontrolu i Smjernicama za provođenje procesa upravljanja rizicima u institucijama BiH. Na prijedlog Radne grupe i zaposlenog u Institutu zaduženog za finansijsko upravljanje i kontrolu, direktor Instituta je u augustu 2020. godine donio Akcioni plan za dalji razvoj sistema finansijskog upravljanja i kontrole. Institut je popunio obrazac Godišnjeg izvještaja o finansijskom upravljanju i kontroli za 2020. godinu i dostavio Centralnoj harmonizacijskoj jedinici u formi i roku kako je propisano Pravilnikom o godišnjem izvještavanju o sistemu finansijskog upravljanja i kontrole u institucijama BiH.

U skladu sa Zakonom o internoj reviziji institucija BiH<sup>5</sup> i Odlukom o kriterijima za uspostavljanje jedinica interne revizije u institucijama BiH<sup>6</sup>, interna revizija Instituta je u nadležnosti Jedinice za internu reviziju Ministarstva vanjske trgovine i ekonomskih odnosa BiH. U 2020. godini nije potpisan Godišnji plan sa Jedinicom interne revizije i nije bilo aktivnosti interne revizije u Institutu.

### 4. BUDŽET

Zakonom o budžetu institucija Bosne i Hercegovine i međunarodnih obaveza Bosne i Hercegovine za 2020. godinu<sup>7</sup>, Institutu su odobrena sredstva u ukupnom iznosu od 1.581.000 KM (za tekuće izdatke 1.576.000 i za kapitalne izdatke 5.000 KM). Ukupno izvršenje budžeta za 2020. godinu iznosilo je 1.436.133 KM (za tekuće izdatke 1.431.208 KM i za kapitalne izdatke 4.925 KM).

Institut je izvršio jedno prestrukturisanje rashoda budžeta 04.09.2020. godine koje je odobrilo Ministarstvo finansija i trezora BiH, prema kojima je izvršena izmjena strukture rashoda unutar odobrenog budžeta. Ukupan iznos prestrukturisanja iznosio je 9.000 KM. Povećani su troškovi

---

<sup>1</sup> Odluka o razvrstavanju radnih mjesta i kriterijima za opis poslova radnih mjesta u institucijama BiH, Odluka o principima za utvrđivanje unutrašnje organizacije organa uprave BiH, "Službeni glasnik BiH" broj 30/2013 i Odluke o izmjenama odluke o razvrstavanju radnih mjesta i kriterijima za opis poslova radnih mjesta u institucijama BiH, Službeni glasnik BiH, broj: 67/15 i 51/18.

<sup>2</sup> Službeni glasnik BiH, broj 56/16

<sup>3</sup> Službeni glasnik BiH, broj 53/17

<sup>4</sup> Službeni glasnik BiH, broj 61/04, 49/09, 42/12, 87/12 i 32/13

<sup>5</sup> Službeni glasnik BiH, broj 27/08 i 32/12

<sup>6</sup> Službeni glasnik BiH, broj 49/12 i 69/12

<sup>7</sup> Službeni glasnik BiH, broj 46/20

nabavke materijala za 8.000 KM i izdaci za tekuće održavanje za 1.000 KM, a smanjeni putni troškovi za 7.000 KM i izdaci za energiju i komunalne usluge za 2.000 KM.

Prijedlog plana i programa rada Instituta za 2020. godinu dostavljen je Vijeću ministara BiH 04.11.2019. godine i usvojen na 5. sjednici 21.05.2020. godine. Izvještaj o radu Instituta za 2020. godinu je, nakon pribavljenih mišljenja relevantnih institucija, dostavljen Vijeću ministara BiH na usvajanje 17.02.2021. godine.

## 5. FINANSIJSKI IZVJEŠTAJI

Institut je sačinio Godišnji finansijski izvještaj za 2020. godinu i dostavio ga nadležnim tijelima i institucijama u skladu s važećim propisima i u utvrđenom roku.

Analizom bilješki uz finansijske izvještaje konstatovano je da iste sadrže sveobuhvatne informacije o izvršenju budžeta Instituta u skladu s Pravilnikom o finansijskom izvještavanju.

### 5.1 Pregled rashoda i izdataka iz budžeta

U pregledu rashoda i izdataka po ekonomskim kategorijama-zbirno, u periodu od 01.01. do 31.12.2020. godine, ukupno ostvareni rashodi iskazani su u iznosu od 1.436.133 KM, što je za 144.867 KM manje u odnosu na rashode planirane budžetom za 2020. godinu.

Značajni rashodi iz budžeta za neposrednu potrošnju odnose se na: bruto plaće (1.146.144 KM), naknade zaposlenih (173.164 KM), troškove najma prostora i zgrada (40.435 KM), izdatke telefonskih i poštanskih usluga (22.562 KM) i drugo.

**Bruto plaće:** Bruto plaće i naknade iz plaća na 31.12.2020. godine iskazane su u iznosu od 1.146.144 KM, od čega neto plaće i naknade iznose 675.439 KM, a porezi i doprinosi 470.705 KM. Bruto plaće i naknade su za 7.273 KM manje u odnosu na prethodnu godinu, što je posljedica prestanka radnog odnosa jednog državnog službenika uslijed smrti. Prosječan broj zaposlenih za koje su isplaćene bruto plaće u Institutu bio je 45.

*Raspoređivanje zaposlenih unutar platnih razreda:* U skladu s odredbama Metodologije za raspoređivanje zaposlenog unutar platnog razreda<sup>8</sup> čije su izmjene stupile na snagu 22. oktobra 2020. godine, a institucije su bile dužne postupiti po odredbama u roku od 60 dana, Institut je izvršio analizu ispunjenosti uslova za napredovanje unutar platnih razreda među zaposlenicima i državnim službenicima i u decembru su izrađena rješenja. Od ukupno 43 zaposlenih koji su stekli uslove za napredovanje u drugi platni razred unaprijeđeno je njih devet (ocjena rada u periodu od 2016. do 2019. godine), a u treći platni razred (veći stepen stručnog zvanja) unaprijeđeno je četvoro zaposlenih. Kao kriterij za napredovanje korištene su ocjene rada u periodu od 2016. do 2019. godine, veći stepen stručnog zvanja i najduži ukupni radni staž kao dodatni kriterij.

**Unajmljivanje imovine i opreme:** Sa 31.12.2020. godine ovi izdaci su iznosili 40.435 KM i odnosili su se na plaćanje unajmljenog prostora za smještaj organizacione jedinice Instituta u Sarajevu na osnovu Ugovora o najmu zaključenog za period od 01.07.2019. do 01.07.2020. godine sa najmodavcem Nogometni savez BiH. Mjesečna najamnina je iznosila 3.370 KM (sa PDV-om) za 180 m<sup>2</sup> po cijeni od 16 KM/m<sup>2</sup> (bez PDV-a), a koja je uključivala pravo korištenja

---

<sup>8</sup> Službeni glasnik BiH broj, 6/12 I 76/20

dva parking mjesta, usluge čišćenja i osiguranja objekta. U cijenu nisu uključeni režijski troškovi. Novim ugovorom, koji je zaključen 01.07.2020. godine, pod istim uslovima je produžen rok najma za godinu dana.

***Pregled rashoda i izdataka iz budžeta prikazan je u Tabeli I u prilogu Izvještaja.***

## **5.2 Pregled prihoda i primitaka**

Ukupno ostvareni prihodi i primici po ekonomskim kategorijama u periodu od 01.01. do 31.12.2020. godine, iskazani su u iznosu od 5.017.568 KM, što je za 217.568 KM više u odnosu na prihode i primitke planirane budžetom za 2020. godinu.

Značajni prihodi odnose se na: prihode od administrativnih taksi (453.644 KM) i prihode od posebnih troškova postupka 2.576.978 KM). Ostvareni su i prihodi na osnovu članstva BiH u Madridskom aranžmanu o međunarodnoj registraciji žigova i na osnovu Sporazuma o saradnji i proširenju sa Evropskom patentnom organizacijom (1.986.941 KM). Ovi prihodi su u 2020. godini doznačeni na JRT BiH.

Postupcima revizije konstatovali smo da se vrši redovno savravanje ostvarenih prihoda usporedbom podataka iz Glavne knjige sa dokumentima vezanim za naplaćene/uplaćene prihode.

## **5.3 Bilans stanja**

U bilansu stanja na 31.12.2020. godine iskazana su ukupna sredstva u iznosu od 180.395 KM. Ukupne obaveze sa izvorima sredstava iskazane su u iznosu od 300.932 KM.

Značajne stavke bilansa stanja odnose se na kratkoročna potraživanja (152.165 KM), neotpisanu vrijednost stalnih sredstava (28.230 KM), obaveze prema dobavljačima (5.187 KM), obaveze prema zaposlenima (115.816 KM) i kratkoročna razgraničenja (151.699 KM).

Kratkoročna potraživanja se odnose najvećim dijelom na potraživanja od pravnih i fizičkih osoba za izvršene javne usluge pravnim i fizičkim osobama za koja nisu dospjeli rokovi naplate u tekućoj godini (151.699 KM).

Kratkoročna razgraničenja se odnose na razgraničeni prihod budućeg perioda, a koja se knjigovodstveno zatvaraju u 2021. godini prema roku dospjeća plaćanja evidentiranih potraživanja za javne usluge pravnim i fizičkim osobama (151.699 KM).

Institut je izvršio popis stalnih sredstava, novčanih sredstava, potraživanja i obaveza, te sitnog inventara i materijala na 31.12.2020. godine. Popisom nisu konstatovane značajnije nepravilnosti.

***Bilans stanja prikazan je u Tabeli II u prilogu Izvještaja.***

## 6. ZAPOSŁJAVANJE I STATUS ANGAĐOVANIH OSOBA

**Dinamika zapošljavanja:** Prema pregledu dinamike zapošljavanja u periodu od 01.01. do 31.12.2020. godine u Institutu je planiran 51 zaposleni. Ukupan broj zaposlenih sa 31.12.2020. godine iznosio je 45. Važećim Pravilnikom o unutrašnjoj organizaciji i sistematizaciji radnih mjesta predviđeno je 84 zaposlenih. Sa 31.12.2020. godine u Institutu nije bilo novog zapošljavanja, jedna osoba je prekinula radni odnos uslijed smrti, dok su dvije zaposlenice koristile neplaćeno odsustvo zbog stručnog usavršavanja.

Nakon provedenog internog konkursa, dostavljenih mišljenja Agencije za državnu službu BiH i prethodno dostavljenih ocjena rada za državne službenike, u Institutu je sa 31.12.2020. godine izvršeno interno premještanje dva državna službenika.

Institut je izvršio ocjenjivanje državnih službenika za 2020. godinu i izvještaje o ocjenjivanju proslijedio Agenciji za državnu službu BiH.

## 7. JAVNE NABAVKE

Institut je donio Plan javnih nabavki za 2020. godinu 10.01.2020. godine, kako je propisano Zakonom o javnim nabavkama<sup>9</sup>. Tokom perioda su izvršene četiri izmjene prvobitno donesenog Plana javnih nabavki. Za svaki postupak javne nabavke, odlukom direktora, formirana je komisija koja provodi postupke javnih nabavki.

Prema prezentovanim podacima, Institut je u 2020. godini proveo sedam postupaka javnih nabavki iz tekućih izdataka (jedan putem konkurentskog zahtjeva, jedan u skladu s Aneksom II dio B i ostalo putem direktnih sporazuma), te jedan postupak putem direktnog sporazuma iz kapitalnih izdataka. Nakon prethodno provedenih postupaka, ukupna vrijednost zaključenih ugovora iznosila je 23.819 KM bez PDV-a (19.610 KM iz tekućih izdataka i 4.209 KM iz kapitalnih izdataka). Na osnovu pregledanog uzorka zaključenih ugovora nakon provedenih postupaka putem direktnog sporazum za nabavku Fortinet FG-81E Firewall licence (5.261 KM sa PDV-om) i nabavke uredskih stolica (4.209 KM bez PDV-a), nisu uočene značajnije nepravilnosti.

---

<sup>9</sup> Službeni glasnik BiH, broj 39/14

## 8. KOMENTARI

Institut je u ostavljenom roku dostavio komentare na Nacrt izvještaja o reviziji za 2020. godinu. U komentarima je navedeno da su saglasni sa sadržajem Izvještaja, tako da ovaj Izvještaj predstavlja konačan izvještaj bez korekcija u odnosu na Nacrt izvještaja o reviziji za 2020. godinu.

### **Vođa tima za finansijsku reviziju**

Nada Laco, viši revizor, v.r.

### **Rukovodilac Odjela za finansijsku reviziju**

Nedžad Hajtić, viši revizor, v.r.

### **Članovi tima za finansijsku reviziju**

Nevena Bugarin, revizor, v.r.

Azra Husić, revizor, v.r.

### **Rukovodilac Odjela za razvoj, metodologiju i kontrolu kvaliteta finansijske revizije**

Dragoljub Kovinčić, viši revizor, v.r.

## **Prilozi**

Tabela I – Pregled rashoda budžeta za 2020. godinu

Tabela II – Bilans stanja na 31.12.2020. godine

Izjava o odgovornostima rukovodstva

## Pregled rashoda budžeta za 2020. godinu

Institut za intelektualno vlasništvo BiH

Tabela I

Opis	Odobreni budžet	Usklađivanja budžeta	Ukupni budžet (2+3)	Izvršenje budžeta	Procenat 5/4*100
1	2	3	4	5	6
<b>1. Tekući izdaci</b>	<b>1,576,000</b>	<b>0</b>	<b>1,576,000</b>	<b>1,431,208</b>	<b>91</b>
Bruto plaće i naknade	1,235,000	0	1,235,000	1,146,144	93
Naknade troškova zaposlenih	184,000	0	184,000	173,164	94
Putni troškovi	30,000	-7,000	23,000	13,552	59
Izdaci telefonskih i pošt. usluga	28,000	0	28,000	22,652	81
Izdaci za energiju i kom. usluge	14,000	-2,000	12,000	8,316	69
Nabavka materijala	16,000	8,000	24,000	7,519	31
Izdaci za usl. prijevoza i goriva	4,000	0	4,000	1,289	32
Unajmljivanje imovine i opreme	41,000	0	41,000	40,435	99
Izdaci za tekuće održavanje	11,000	1,000	12,000	11,750	98
Izdaci za osiguranje	1,000	0	1,000	992	99
Ugovorene i druge posebne usluge	12,000	0	12,000	5,395	45
<b>2. Kapitalni izdaci</b>	<b>5,000</b>	<b>0</b>	<b>5,000</b>	<b>4,925</b>	<b>99</b>
Nabavka zemljišta	0	0	0	0	
Nabavka građevina	0	0	0	0	
Nabavka opreme	5,000	0	5,000	4,925	99
Nabavka ostalih stalnih sredstava	0	0	0		
Rekonstrukcija i invest. održavanje	0	0	0		
<b>3. Tekući grantovi</b>	<b>0</b>	<b>0</b>	<b>0</b>	<b>0</b>	
			0		
			0		
<b>4. Budžet-neposredna potrošnja(1+2+3)</b>	<b>1,581,000</b>	<b>0</b>	<b>1,581,000</b>	<b>1,436,133</b>	<b>91</b>
<b>5. Višegodišnja kapitalna ulaganja</b>	<b>0</b>	<b>0</b>	<b>0</b>	<b>0</b>	
			0		
<b>6. Novčane donacije</b>	<b>0</b>	<b>0</b>	<b>0</b>	<b>0</b>	
			0		
<b>7. Programi posebne namjene</b>	<b>0</b>	<b>0</b>	<b>0</b>	<b>0</b>	
			0		
<b>8. Ukupno (4+5+6+7)</b>	<b>1,581,000</b>	<b>0</b>	<b>1,581,000</b>	<b>1,436,133</b>	<b>91</b>

Rukovodstvo je Pregled rashoda budžeta po ekonomskim kategorijama odobrilo 15.02.2021. godine.

Direktor:  
Josip Merdžo

## Bilans stanja na 31.12.2020. godine

Institut za intelektualno vlasništvo BiH

Tabela II

Opis	31.12.2020.	31.12.2019.	Procenat 2/3*100
1	2	3	4
<b>1. Gotovina, krat. potraživanja, razgraničenja i zalihe</b>	<b>152,165</b>	<b>68,984</b>	<b>221</b>
Novčana sredstva	0	0	
Kratkoročna potraživanja	152,165	68,984	221
Kratkoročni plasmani	0	0	
Interni finansijski odnosi	0	0	
Zalihe	0	0	
Kratkoročna razgraničenja	0	0	
<b>2. Stalna sredstva</b>	<b>28,230</b>	<b>65,207</b>	<b>43</b>
Stalna sredstva	1,243,342	1,389,858	89
Ispravka vrijednosti	1,215,112	1,324,651	92
Neotpisana vrijednost stalnih sredstava	28,230	65,207	43
Dugoročni plasmani	0	0	
Dugoročna razgraničenja	0	0	
<b>UKUPNO AKTIVA (1+2)</b>	<b>180,395</b>	<b>134,191</b>	<b>134</b>
<b>3. Kratkoročne obaveze i razgraničenja</b>	<b>272,702</b>	<b>193,815</b>	<b>141</b>
Kratkoročne tekuće obaveze	5,187	18,159	29
Kratkoročni krediti i zajmovi	0	0	
Obaveze prema zaposlenima	115,816	107,136	108
Interni finansijski odnosi	0	0	
Kratkoročna razgraničenja	151,699	68,520	221
<b>4. Dugoročne obaveze i razgraničenja</b>	<b>0</b>	<b>0</b>	
Dugoročni krediti i zajmovi	0	0	
Ostale dugoročne obaveze	0	0	
Dugoročna razgraničenja	0	0	
<b>5. Izvori sredstava</b>	<b>28,230</b>	<b>65,207</b>	<b>43</b>
Izvori sredstava	28,230	65,207	43
Ostali izvori sredstava	0	0	
Neraspoređeni višak prihoda/rashoda	0	0	
<b>UKUPNO PASIVA (3+4+5)</b>	<b>300,932</b>	<b>259,022</b>	<b>116</b>

**Napomena:** Pravilnikom o finansijskom izvještavanju institucija Bosne i Hercegovine, čl.10. stav 4., napomenuto je da bilans stanja budžetskih korisnika **neće biti uravnotežen** (aktiva jednaka pasivi) zbog programski uspostavljenog sistema Glavne knjige, dok će bilans stanja koji radi Ministarstvo finansija i trezora na nivou Budžeta institucija Bosne i Hercegovine za tekuću godinu biti uravnotežen.

Rukovodstvo je Bilans stanja odobrilo 15.02. 2021. godine.

Direktor:  
Josip Merdžo



## Izjava o odgovornostima rukovodstva

Međunarodni standard vrhovnih revizionih institucija (ISSAI 1580) predviđa da revizor treba dobiti odgovarajuću izjavu od rukovodstva institucije kao dokaz da rukovodstvo priznaje svoju odgovornost za objektivno prikazivanje finansijskih izvještaja saglasno mjerodavnom okviru finansijskog izvještavanja, te da je odobrilo finansijske izvještaje.

Rukovodstvo **Instituta za intelektualno vlasništvo Bosne i Hercegovine** (u daljem tekstu: Institut) dužno je osigurati da finansijski izvještaji za 2020. godinu budu izrađeni u skladu sa Zakonom o finansiranju institucija Bosne i Hercegovine (Službeni glasnik BiH, broj 61/04, 49/09, 42/12, 87/12 i 32/13), Pravilnikom o finansijskom izvještavanju institucija Bosne i Hercegovine (Službeni glasnik BiH, broj 25/15 i 91/17) i Pravilnikom o računovodstvu sa računovodstvenim politikama i procedurama za korisnike budžeta institucija Bosne i Hercegovine (protokol Ministarstva finansija i trezora Bosne i Hercegovine, broj 01-08-02-1-1515-1/15, od 4.2.2015.). Rukovodstvo je također obavezno postupati u skladu sa Zakonom o budžetu institucija Bosne i Hercegovine i međunarodnih obaveza Bosne i Hercegovine za 2020. (Službeni glasnik BiH, 46/20) i pratećim uputstvima, pojašnjenjima i smjernicama koje donosi Ministarstvo finansija i trezora Bosne i Hercegovine, kao i ostalim zakonima u Bosni i Hercegovini, tako da finansijski izvještaji daju fer i istinit prikaz finansijskog stanja Instituta.

Pri sastavljanju takvih finansijskih izvještaja odgovornosti rukovodstva obuhvaćaju garancije:

- da je osmišljen i da se primjenjuje i održava sistem internih kontrola koji je relevantan za pripremu i fer prezentaciju finansijskih izvještaja i usklađenost sa zakonima i drugim propisima;
- da finansijski izvještaji ne sadrže materijalno značajne pogrešne iskaze;
- da finansijski izvještaji sadrže sve relevantne podatke i analize izvršenja budžeta, kao i podatke o sistemu internih kontrola i realizaciji preporuka revizije;
- da se u poslovanju primjenjuju važeći zakonski i drugi relevantni propisi.

Rukovodstvo je također odgovorno za čuvanje imovine i resursa od gubitaka, pa stoga i za preduzimanje odgovarajućih mjera kako bi se spriječile i otkrile pronevjere i ostale nezakonitosti.

Datum, 02.03.2021. godine

Direktor:

Josip Merdžo